

讀史指卷第八

德清胡濬學

河惟豫州

傳曰西南至荆山北距河水曾氏曰臨沮之荆山其陰為豫州其陽為荊州謂按荆山已見荊州河南河也後同其不言南者蒙上至于南河省文而可知也荆山主南言傳不當兼西亦猶青之岱主南言不當兼西也

爾雅河南曰豫州漢南曰荊州蓋荊豫二州禹貢以荆山為界爾雅則以漢水為界故郭注豫州云自南河至漢也禮記王制曰自南河至于江千里而近鄭注云豫州域自江至于衡山千里而遙鄭

注云荊州域則二州又似以江為界矣以為殷制則與爾雅不合以為周制則與職方不合周禮河南曰豫州其山鎮曰華山其澤藪曰圃田其川滎雒其浸波澆華山圃田滎雒皆在禹貢豫州之域唯波澆可疑鄭注云波讀為播禹貢曰滎播既都

釋文播音波

春秋傳曰楚子除道梁澆

音側嫁反

營軍臨隨則

澆宜屬荊州在此非也今按滎即滎澤至周而已導為川故曰其川波則別是一水非滎播也水經澆水注云波水出霍陽西川大嶺東谷俗謂之歇

馬嶺

霍陽故縣在今汝州東南二十里霍山下

即應劭所謂孤山波水所出也

馬融廣成頌曰浸以波澆其水南逕蠻城下又南

分三川於白亭東而俱南入澧水澧水自下兼波
水之通稱也蓋洛別百答之外又有此波水道元
以爲豫州之浸浸可以爲陂灌溉者也章懷注馬
融傳云波水出歇馬嶺在汝州魯山縣西北汝州
今屬河南州西四十里廣成澤一名黃陂周百里
有灌溉之利後漢於其地置廣成苑爲遊獵之所
澤水出狼臯山東南流合溫泉水波水自西來注
之又東南合澧水入汝此即波澧之波也馬融精
於周官其頌廣成明言浸以波澧鄭違其義非是
禹貢之滎波自當作播職方之波澧當讀如字不
可牽合澧水杜預云在義陽厥縣西東南入鄖水

經注澆水出隨縣西北黃山南逕潁西縣西又東
南逕隨縣故城西春秋莊公四年楚武王伐隨除
道梁澆謂此水也又南流注于潁澆水流短潁水
出蔡陽縣大洪山一名清發水東南逕隨縣至安
陸入于沔澆既合潁自下可以通稱經所謂澆蓋
即潁也豫州南界至漢殷時已然周人因之呂氏
春秋云河漢之間曰豫州澆水在漢北其爲豫浸
又何疑焉周無梁州賈疏云周之雍豫於禹貢兼
梁州之地豫所兼者當在華山之陽漢水之北蟠
冢之東以華爲豫鎮漢爲荆界知之其王制所言
不過言南河至江江至衡山之道里耳鄭以爲豫

荆二州之域恐非記者本意邢氏爾雅疏云豫州自南河至漢職方與此同可以證殷周之荆豫皆以漢為界而不以江為界矣

豫州有古太皞祝融之虛及帝嚳成湯所都虞舜後

即少康所奔 戈邳封葛三駸諸國皆在焉春秋時可考者

管蔡郟曹鄭東號西號凡蔣祭祀宋焦申許蓼左傳

哀十七年楚子穀曰武王克州莫即此一作廖漢志南陽縣故廖國 密隨厲唐戴沈息房周語內史過曰

昭王娶于房後漢志汝南吳房縣故房國楚靈王所滅 滑鄆郟穀鄧賴項頓胡江黃道

柏州來絞蠻陸渾凡四十一國戰國時屬宋魏韓

而秦楚亦兼得其地秦并天下置三川碭郡潁川

南陽東境北境是南郡北境是漢復置豫州領郡國五其今河南府陝郡弘農之地則屬司隸豫

留濟陰之地則屬兗州後漢為司隸治河陽豫州治譙領郡國六魏因之晉分置

司州領郡十一豫州領郡國十唐為都畿之河南府洛州陝郡陝南境臨汝

汝汝滎陽鄭等郡河南道之陳留汴睢陽宋濟陰曹譙

郡毫潁川許淮陽陳汝陰潁汝南豫等郡山南東道

之淮安唐南陽鄧襄陽襄漢東隨武當均等郡及河

東道之弘農郡號按以上通典所列濟陰之垂氏

當往屬兗襄陽之南漳漢東之光化當往屬荆又

有當來屬者兗域靈昌之匡城梁域上洛之上津

東境廢長利縣地是也以今輿地言之河南則河

南開封歸德南陽汝寧五府及汝州直隸則大名

府之東明長垣山東兗州府之定陶曹縣城武單

縣江南則鳳陽府之潁州潁上太和亳州蒙城湖廣則襄陽府之襄陽光化宜城棗陽穀城均州鄖陽府之鄖縣保康及鄖西之東境德安府隨州之北境皆古豫州域也

豫之南界亦判自南漳縣之荆山西起保康歷宜

城棗陽及隨州之北境故隨縣地州之南境廢光化縣地入荆域又東

為信陽羅山皆與荆接界處也詳見荆州

豫北濱冀之南河其西與華陰接華陰雍域也按

職方豫州山鎮曰華山通典云即今華陰郡山連

延東出故屬豫州九域志云華山四州之際東北

冀東南豫西南梁西北雍十字分之四隅為四州

也豫之北界由華山而東為閿鄉靈寶陝州澠池新安洛陽孟津鞏縣汜水河陰滎陽滎澤又東北為陽武延津皆在南河之南

陽武自元時河從原武決而東南流始為河北地

又東

北抵濬縣大伾山冀兗豫三州之交也

豫東接兗徐揚三州之界自封丘而東為長垣東明又東為考城定陶曹縣城武單縣與兗接界又南為夏邑永城亳州潁州又東為潁上蒙城皆在淮北與徐接界自潁州以西為商城息縣真陽踰淮而南為信陽與揚接界

豫西自閿鄉以南為盧氏鄭縣及鄭西之東境故鄭縣地與雍梁接界豫居中央為輻輳之地接界

者七州唯青為兗徐所隔其渠不相接云

伊洛瀍澗既入于河釋文瀍直然及澗皆美反瀍按洛漢書作雒

傳曰四水合流而入河正義曰地理志云伊水出弘

農盧氏縣熊耳山東北入洛洛水出弘農上洛縣冢

領山東北至鞏入河瀍水出河南穀城縣潛亭北東

南入洛城志作成潛志作替澗水出弘農新安縣東南入洛伊瀍

澗三水入洛合流而入河言其不復為害也傅氏曰

導洛言東北會于澗瀍又東會于伊序水之次第此

言伊洛瀍澗乃治水之先後渭按漢上洛縣即今陝

西西安府商州治盧氏新安二縣今屬河南府穀城

故縣在今洛陽縣西北

孔傳云伊出陸渾山洛山上洛山澗出澗池山瀍
出河南北山與漢志異正義旣引漢志又爲之說
曰熊耳山在陸渾縣西冢領山在上洛縣境內澗
池在新安縣西穀城替亭北此即河南境內之北
山也志詳而傳略所據小異耳滑按漢陸渾盧氏
本二縣熊耳山在盧氏縣西南五十里不與陸渾
接界安得謂陸渾縣西之山而云伊出陸渾山新
安澗池亦本二縣澗水出新安穀水出澗池流同
而源異今乃云澗出澗池山是以穀源爲澗源也
此不惟略也而且誤矣至於河南穀城亦本二縣
魏始省穀城入河南而傳云瀍出河南北山是西

漢時穀城山已爲河南縣地也穎達嘗云孔爲武帝博士地理志無容不知而其言如此豈西漢孔博士之所爲乎

林少穎云據伊瀍澗入于洛而洛入于河此言伊洛瀍澗則以四水列言者曾氏曰漢水入于江以入海而荊州言江漢朝宗于海與此同意蓋其水之大小相敵也傅同叔非之曰三水入洛而洛得兼三水而爲大顧謂之相敵可乎因以爲伊洛瀍澗乃治水先後之序甚善昔賈讓言大禹鑿龍門辟伊闕伊闕者伊水之所經也當時爲害必甚略與龍門相似故禹治此四水以伊爲先伊旣入洛

乃疏洛以入河最後治漚澗故立言之序如此非以其水大小相敵也

漢志伊水出弘農盧氏縣熊耳山東北入雒過郡

一行四百五十里

熊耳山在今河南府盧氏縣西南五十里東連永寧南接內鄉

水經注伊

水出南陽縣西蔓渠山

山海經曰蔓渠之山伊水出焉淮南子曰伊水出上魏山地理志曰出熊耳山

即麓大同陵巒互別耳伊水自熊耳東北逕鸞川亭北世謂之鸞水按蔓渠山在今南陽府盧氏縣東南蓋即熊耳之支峰也括地志云伊水出盧氏縣

東巒山一名悶頓嶺今在縣東南百六十里元和志云伊水出鸞掌山疑即是巒山參考諸書伊水出盧氏縣熊耳山審矣縣志云熊耳雖有伊源之名而無流衍之跡其實出於悶頓嶺之陽豈知古熊耳山盤基甚廣即悶頓亦

熊耳乎酈氏云即麓大同陵巒互別兩言盡之矣蔡傳據郭璞云熊耳在上洛縣南以為地志言

出盧氏者非是大謬東北逕東亭城南又屈逕其亭東

今

縣西南七十里又東北逕郭落山又東北逕陸渾縣南

王母澗水注之

水出陸渾縣西南山海經曰瀟瀟之水出於麓山南流注於伊水即王母澗也陸渾今爲嵩縣

又

北歷崖口下

崖口壁立若闕即古三塗山也杜預曰在陸渾縣南按今嵩縣西南十里有三塗山俗呼為水門逸周書武王

曰南望三塗左傳司馬侯以三塗為九州之險晉伐陸渾請有事於三塗是也

又東北逕伏流嶺東

在嶺

崖口北三十里許今嵩縣北有伏流城

又東北逕伏睹嶺又東北涓水注之

水出陸渾西山

又東北逕新城縣南

今洛陽縣南七十五里有新城春秋伐蠻子邑漢以為縣

又北

逕新城東大狂水入焉

水東出陽城縣山海經曰大誓之山其陽狂水出焉東南流

又北

逕高都城東

城在今洛陽縣西南

又東北逕前亭西

左傳昭三十二年晉箕遺樂徵

取前城京相璠曰今洛陽西南五十里前亭也

又北過伊闕中

昔大禹疏以通水兩山相對望之若闕伊水歷其間

北流春秋之闕塞昭二十六年趙鞅使女寬守闕塞是也闕左壁有石銘云黃初四年六月二十四日辛巳大出水舉高四丈五尺齊此以下蓋紀水之

深減北右壁亦有石銘云永康五年河南府君循大禹之軌斬岸開石平通伊闕按闕塞亦曰龍門山故傳毅友都賦云因龍門以暢化開伊闕以達聰

也一名闕口山又名鍾山在洛陽縣西南三十里

又東北至洛陽南逕員丘東又東

北入洛以今輿地言之盧氏嵩縣伊陽

伊陽屬汝州以伊水與嵩縣分

界洛陽界中皆伊水之所經也

漢志雒水出弘農上雒縣冢領山東北至鞏入河

過郡二行千七十里豫州川水經注洛水出京兆

上洛縣謹舉山山海經曰出上洛西山又曰謹舉之山洛水出焉東逕熊耳山北山在漢上

洛縣東北今為洛南縣地又東北逕盧氏縣故城南城在今縣東又東逕

城南今永寧縣西有洛水廢縣即故城也又東逕檀山南山在永寧縣西五十里又東北

逕宜陽縣故城南城在今宜陽縣東北十四里又東逕河南縣南今洛陽縣

西北有河南故城周王城漢河南縣也又東逕洛陽縣南伊水從西來注之

又東逕偃師故縣南與緱氏分水今偃師縣治即偃師故城古西臺也縣南二十

里有緱氏故城又東北逕鞏縣故城南城在今縣西南二十里又東北入于

河謂之洛汭劉昭曰洛汭在鞏縣東北三十里以今輿地言之商州盧氏

永寧宜陽洛陽偃師鞏縣界中皆洛水之所經也
近世乃過汜水縣北入河則洛口又移於東矣詳
見導洛

洛誥周公曰我乃卜澗水東瀍水西惟洛食謂王
城也我又卜瀍水東亦惟洛食謂下都也漢志瀍
水出河南穀城縣替亭北東南入雒後漢志瀍水

出河南穀城縣劉昭引博物記曰出替亭山

括地志云故穀

城在河南縣西北十八里苑中西臨穀水左傳定八年周大夫詹翮叛單子伐穀城即此漢置穀城縣魏省入河南縣自故縣西北又三十二里有穀城山東連孟津縣界即博

物記所謂替亭山也

水經瀍水出河南穀城縣北山東

與千金渠合又東過洛陽縣南又東過偃師縣又
東入于洛注云縣北有潛亭瀍水出其北梓澤中

歷澤東而南水西有一原其上平敞古舊替訛為舊亭

之處潘安仁西征賦所謂越街郵者也灑水又東

南流注于穀穀水自千金竭東注謂之千金渠也

渭按王城即邾邑漢為河南縣其故城在今洛陽

縣西北後漢志云河南周公所城雒邑也春秋時謂之王城劉昭引博

地道記曰去雒城四十里下都即成周漢為洛陽縣河南郡治其故

城在今洛陽縣東北二十里後漢志云雒陽周時號成周劉昭引帝王世紀曰城東西六里

南北九里元和志引華延雒陽記曰東西七里二城東西相去四十里而今洛陽

縣居其中隋大業初營新都始移二縣於都城內今又省河南入洛陽古時澗水經河南

故城西入洛灑水經河南故城東入洛故澗水東

灑水西為王城而灑水東為下都洛誥之文甚明

也自周靈王壅穀水使東出於王城之北則其勢必入于漚水而合流歷王城之東以南注于洛時二水猶未經洛陽城也迨東漢建都於此自河南縣東十五里之千金竭引水繞都城南北以通漕而漚水始與穀水俱東注矣古時漚不合澗亦不過洛陽縣南而東至偃師也

穀水注云河南城西北穀水之右有石磧磧南出爲死穀北出爲湖溝魏太和七年暴水流高三丈此地下停流以成湖渚造溝以通水東西十里決湖以注漚水按曹魏明帝元魏孝文帝皆有太和年號明帝之太和終於六年故方輿紀要謂穀水